

1 Petero

Yaizézé ac.

¹ Yesu Kristoac Méliméli ic ni Peteronén Ponto, Galatia, Kapadokia, Asia komoc, zéma Bitinia baec séc Anutuac hénarín kian ésécnec héndemma kekera ² Anutu mangoc ninanén ménda hicjigicnec bec niénécmima Uná téréyanén météré énécmiyu niñtoho wangic, Yesu Kristoac sawanén naec énécmima* gési énécmima énépésiyec onac mia kiwi yomi oénécmizua. Ewa hiaya zéma luaeyanén onac muru sécgéma hema kecmac.

³ Mepésimini, neñan min kewunina Yesu Kristoac mangocya Anutunén wésé ninin kunenec sécgémiyu Yesu Kristo i humuc ic sugina igucnec meqeli mima héná imuacnec neñan keckec qelia mihicñi nénécmiyu niñkinzén qeli qeli he nénécmiyu kecanzín. ⁴ Imuhuc wamma onac niñ wamma kurumenjiguc iwawai haihaiya hezac, ménda houhouya, ménda zapi qeqeya, ménda qahac wawaña, imi mératéc memu. ⁵ Ini imi nalé tetcgiaiguc angén titi haka mewininiman zé niñu heyec imi késawín zé ninzénégic Anutuac kuhanén inicgalen wang énécmiyec. ⁶ Imuac qeriginaiguc ini ségiségi wamma kecanzu. Wanu hicñi énécmimacac hezaciguc deguc manam batuc yéwéria hénia hénia niñac wamma nalé hotonadac

* **1:2:** Sawanén naec énécmima; Mmh 24:3-8, Heb 9:18-21.

nin'yéwérimu. ⁷ Imi mia ninzén ninzénngina imi goli gericnéñ batucgéyu qahac wammacac hezac imuac séha ogicma hiabia wanu Yesu Kristoac hahayawac naléiguc mepé qepésigina zéma edamugina zéma eebipiginaguc wammu ninac réwéri imuhucya hicñi énécmikeczac. ⁸ Yesu imi ini kicginanéñ ménda hénjic, néñ kilen sinñin wammianzu. Deguc acguc ménda hénzu, néñ kilen ninzénngéma ségiségi mén edamuyaguc hénia zéasariwiñac séc qahac imuhucya nimma kecanzu. ⁹ Imi mia ninzén ninzénnginawac héla, qeri unaginawac anjén titi imi énécmiyu memuac hezac imuac nin imuhuc imuhuc ségiségi wamma kecanzu.

¹⁰ Anjén titi imuac mia kua meme ic tosara ienen ewa hiaya onac muru mama hamacac heyec imuac héiqelima seliseli wamma hochoc ai megic. ¹¹ Megic ionac ewa qeriginaiguc Kristoac unanéñ Kristo eneyaoc imi qenzen manzen qema kecma imuac andiaiguc kiwi edamuyaguc wammac zéma walac énézéyec. Énézéyu ienen ic méréneñ Kristo wanzac me némac naléiguc hicñimac zéma hochoc ai megic. ¹² Ic ienen imi enañ ménda welen qeamugic, néñ onac welen qeénécmigic imuac zéau énécmiyu nin'asarigic. Wanu imi mia Uná Téréya kurumen igucnec mayec inén buña suruc hiabiawac welen qeque ic nanjé énécmiyu degucmi buña suruc hiabia onac énézégic nindacgic. Wanu kua meme uná enen acguc hénia imi hénjtegicbiñ zé wanzu.

¹³ Imuac ini ewa qeriginawac rikuná zikima zérén qérén wamma séwiac sinjina helanzi

amuma kecmu. Wañu Yesu Kristo hicñitegicmac nalé imuaru inéñ ewa hiawac wañ énécmimac. Imuac niñ ini imuac mia moczoñ niñkinzégéma kecmu. ¹⁴ Kua tohotoho nambérac éséc nec kecmu, néñ becnec ménda niñtegicma kecgic imuaru siñ biria méndacma kecgic haka tan-era imuac ménda tohoma kecmu. ¹⁵ Téréya miñina unuruyec iwac séciguc namma ini acguc wawañ memegina séc, ic téréya kecmu. ¹⁶ Ac yomuhuc mia ooyawac heyu imuhuc zézua; Ni téréya keczua imuac niñ ini acguc téréya kecmu. ¹⁷ Ini Mañgoc zémima qac héhélianzu inéñ niñgési énécmimanñ zé icya icya séwi tanecgina ménda hémma aí memegina hémma niñénécmianzac. Imuac baeciguc ic kian kecmu eeya séha héimima kecmu. ¹⁸ Ini ninzu éséc nec esañambéc hécgina ionac hena tima haka eñomia wañangic imuac nec añañgéñ tiénécmiyec imi siliwa me goli éséc nec iwawai kecmu qahac wañanzac imuhucyanéñ boñ héré ménda meénécmiyec. ¹⁹ Rama wizi kukuya qahac kitic Képésira qahac éséc nec kek-era Kristo iwac sacya eeyagucnéñ boñ héré meénécmiyec. ²⁰ I imi baec kurumenñ ménda zéyu hicñiyec nec gésimimiawac kerec. Wañu nalé teteçgia yomuac onac niñ wamma mewininimiyu hicñiyec. ²¹ Ini imi humuc ic sugina iguc-nec Kristo i meqelimima kiwi edamu asahanéñ héimiyec Anutu iwac mia wamma Kristonéñ énépésiyu ninzégéan zu. Imuac onac ninzén ninzén zéma niñkinzén imi Anutuac muru hezac.

²² Ini ac héla imi nin̄toho kecma† onac qeri un̄agina imi météréma nin̄zén nin̄zén dacmuna hécgina hélacnec goi héihéi wañ énécmian̄zu, imuac ewa qerigina lalacnec zéma qerigina dumun̄anén̄ siñniñ wañamuma kecmu. ²³ Ini mun̄guc qelima hic̄nigic imi gocmia kecma houanzac imuhucyaiguc qahac, nén̄ gocmia ménda houhouya igucnec hic̄nigic. Imi mia Anutuac ackuazéc kekecyaguc teteugia qahac kecan̄zac imi mia. ²⁴ Hénia imi yomuhuc; Ic séwigina momac yanda imi zariñ ura ésécnec. Wañu kiwi edamugina imi zariñ zuria ésécnec. Zariñ ura imi kaiwenén̄ zeyu sélécgéanzac. Wañu zariñ zuria imi bura tima maanzac. ²⁵ Nén̄ Miñ Kewuninawac ackuazéc imi teteugia qahac heanzac zéyec. Wañu ackuazéc imi buña suruc hiabia zéau énécmiñ nin̄gic imi mia.

2

*Baña kekecyaguc Yesu zéma
iwac an̄gén̄ tiénécmimia.*

¹ Imuac bec, kaiziliwen̄ haka hénia hénia zéma ala batuc haka hénia hénia zéma ikoc zéma nimbupuc zéma zébiriqébiri hénia hénia imi moczon̄ gilidacgic ken̄u. ²⁻³ Miñ Kewuac goi héihéiya imuac siña nin̄zuciguc, merac sac-sac ésécnec qeriginanén̄ namu téréya niñac wammu, imuhuc wamma yandima an̄gén̄ titi-iguc keremmu. ⁴ Wañu ini imi baec icnén̄ qéfacgégic, nén̄ Anutunén̄ niñu eeyaguc wañu

† **1:22:** Ac héla imi nin̄toho kecma; Kiwi méranén̄ ooya tosaraiguc Un̄awac kuhanén̄.

eneya buña gésimiyec baña keckecyaguc Yesu Kristo iwac muru hamu. ⁵ Hagic hofac oo ic arenhéra téréya wamma mulu manañ hofac hiabia Anutunénj sinja nimma angénj timacac sécyá omimu niñac, Yesu Kristonénj hoc keckecyaguc ésécnec meyac énécmiyu toroqe amuma amaya téréya wamma keczu. ⁶ Kiwi téréyaiguc ac ménj yomuhuc ooyawac hezac; Hénjgic, ni Zion ama imuaru baña ménj wanğonajiguc sérañ éséc buña qemima haizua. Wañu ic mérénénj ninzénjgé mimac imi gamusiñ qamusiniguc ménda opocopora wammac zéyec. ⁷ Imuac niñac ninzénjgézu onac muru imi eeyaguc wanzac, néñ ménda ninzénjgézu ionac muru imi hoc ménj mericqe ic enej hénjara mema giligic kenkenja iminénj ama wanğonajiguc hingacma ama imuac oruha wamma taru ⁸ tosara hoc imuaru qonzon tonjéanzu. Wañu zamanziñ hoc imuaru mama unuanzac zéyec. Imi mia ackuazéc ménda tohoanzu imuac niñac mama unuanzac. Wañu ic imuhucya imi imuhuc wammu niñac hezac.

⁹ Wañu ini imi sinji tunumanj yanda igucnec héihéré énécmima edamuya hiabia soroc imuac qeriaiguc onoporec iwac hénia hiabia zéau énécmimu niñac hénajorinj héra buña qeénécmimia zéma hofac oo ic, ic kewuac séc enejja zéma iwac hénjgaleñ ama areña yanda téréya zéma ic embac eneya buña qeénécmimia wamma keczu. ¹⁰ Ini imi becnec ic embachéra ménda kecgic, néñ deguc imi Anutuac ic embachéra wamma keczu. Wañu becnec imi wésé niniñ ménda wanj énécmiyu kecgic, néñ deguc imi wéséniniñ wanj

énécmiyu keczu.

Anutuac welenqege ic kecmu.

¹¹ Ala sorochečna, meseli énécmima zézua, onac imi baeciguc ic kian zéma ic qan ésécnec nimma qeri uñaginawac hazéc wammima yaréya qeanzac séwigina imuac siñ imi sigima kecmu.

¹² Ic enia ionac suc ginaiguc wawan memegina hiabianec wamma kecmu. Biria meme zéma zébiriqébiri wan énécmianzu ienen onac ai meme hiabia imi hémma Anutuac hahayawac naléiguc* qac buñaya mepésimu.

¹³ Miñ Kewuac niñac wamma hénac ac hénia hénia icnéñ zéseligic imi moczoñ tohodacmu. baecac ic kewu enen me ¹⁴ inén méli énécmiyu hama haka biria wanzu taségina melen énécmima, haka hiabia wanzu bakia hiabia melen énécmianzu baec galeñ imi onac imuhucyanec wan énécmimu. ¹⁵ Hénia imi yomuhuc; Wawan memegina hiabia iminéñ ic diwi qiwiliña ionac acgina sic saocya imi méwécgému iminéñ mia Anutuac ewa siñ wanzac. ¹⁶ Enaoc enañ kekec miñina kecmu, néñ imuac kuhanén biria ménda musañgéma wammu. Wanu Anutuac welen qege ichéra ésécnec kecmu. ¹⁷ Ic moczoñnec ee héihéi hiabianec wan énécmimu. Wanu ninzén ninzén dacmuna hécgina siñniñ wan énécmima Anutuac bac yandi yandi wamma baecac ic kewuya ee héihéi wan énécmimu.

Qenzen manzen kekecac séséc.

* **2:12:** Anutuac hahayawac nalé; Luk 19:44, Mmh 3:16, Mmh 32:34, Leg 58:6.

¹⁸ Welen qeque ic ini zénén hirihiri wamma min hécgina ionac ewa bacginaiguc memaamuma kecmu. Wañu ic kuneñ hécgina hiabia bénzénja ionac sac qahac, néñ goi biric wañ énécmianzu ionac muru momacnec imuhuc wañ énécmimu. ¹⁹ Réwéri hénia qahac mihicñi énécmigic Anutu niñqelima bisima kecmu imi haka hiabia soroc. ²⁰ Képésicgina niñac unuhéi wañgic bisiqatén wammuiguc némac niñac zéhiaru énécmimac? Haka hiabia wamma qenzen manzen mihicñima efima bisimu imi Anutuac kiwaiguc haka héñsoroc sorocgia wammac. ²¹ Hénia imuac mia ini héihéré énécmimiyec. Kristo imi acguc onac wamma qenzen manzen mihicñi migic bisima séséc wañ énécmiyec imi ini hémma eneya hénanec méndacma tima hamu zéma imuhuc wañ énécmiyec. ²² Inén képésic mén ménda wañec. Wañu kuaya igucnec ikoc ac mén ménda zéyec. ²³ Zébiri migic kitiwa ménda zébiri énécmiyec. Qenzen manzen mihicñi migic ménda tericgé énécmiyec, néñ baec ic solañanec gési nénécmianzac iwac mériaiguc eneya haiamuyec. ²⁴ Wañu iciguc qegic namma eneya séwiiguc neñañ képésicnina bisidarec. Imi mia neñañ képésicac muru humuma haka solañawac muru qelia kecbiñ niñac imuhuc wañ nénécmiyec. Inén wiziyaiguc wañu ini hiarugic. ²⁵ Becnec imi rama ésécnec rouc wamma kenjic, néñ deguc imi uñaginawac rama galen zéma héñgalen miñina keczac iwac muru liliñgéma hama keczu.

Eu iniñ onac pakeñ ac.

¹ Iniñhécgina ini imuhucyanec euhécgina ionac acgina niñtoho wañ énécmimu, imuhuc wañgicguc tosara Anutuac ackuazéc ménda niñtohoanzu imi eneñ acguc iniñ hécgina ionac acgina niñac qahac, néñ wawañ memegina niñac wamma liliñgégic añgén tiénécmimacac séc wammac. ² Hénia imi yomuhuc; Bac yandi yandi wamma hakagina qala qalanec wamma kecgic inicdaczu. ³ Oruc mizics me soron goli me zari maleku tanera hénia hénianéñ séwiginaiguc ménda mezeric qezeric wammu, ⁴ néñ ewa qeriginaiguc qeri ic sañgima hezac imuac mia wamma memaamuma luae ménda houmacac séc imuhucyanéñ mia mezeric amuma kecmu. Imuhucya imi Anutuac kiwaiguc eeyaguc yanda wañanzac. ⁵ Becnec embac téréya tosara niñkumugina Anutuac muru haima kecgic ieneñ acguc imuhucyanec wamma euhécgina ionac acgina niñtoho wamma haka iminéñ mezeric amuma kecañgic. ⁶ Saranéñ Abarahamac miñna zémima niñtoho wammiyec ésécnec ini acguc haka hiabia wamma haka tosara zénéñ hirihiriyawac séc mihicñima kileñ bac yandi yandi ménda wamma kecma iwac* bérachéra wandaczu.

⁷ Embac euhécgina ini imuhucyanec niñtegic qñtegicgina méndacma iniñ hécgina iniguc kecmu. Embac imi zéic bebélacgia ésécnec, wañu kekec hémbénaña ewa hiawac énécmimia imi momacnec mératéc memu imi niñtegicma eegina

* 3:6: Sarawac.

héiénécmimu. Imuhuc waŋgic zéwelecwelec ginanéŋ néhé néhélia qahac wammac.

⁸ Acna metecgéma zéwa niŋgic; Ini moczoŋ yanda ewa momaciguc kecma ménac mén wésé niniŋguc dacmuna ésécnec goi héihéi waŋamumu. Waŋu ewa biric waŋamuma memaamuma kecma.

⁹ Haka biriawac haka birianec, zébiri qébiriawac zébiri qébirianec ménda melenj énécmima kilenj mozoc ac hiabia waŋ énécmimu. Imuhuc wamma mérianj imi mératéc mema niŋac héihéré énécmiyec.

¹⁰ Imuac mia kekecac goiya héima nalé hiabia mihicŋimanj zé wanzaciguc ezelaŋa neunj héimima ac biria ménda wamma kua tasiaya iminéŋ ac ikora ménda zémac. ¹¹ Waŋu biria igucnec liliŋgéma haka hiabia wammac, waŋu luae kekec niŋac hochoc ai mema seligima nesima méndacmac. ¹² Imuac hénia imi yomuhuc, miŋ kewuninawac kiwa imi ic solaŋawac muru hiyu keŋanzac. Waŋu gezawa imi ionac zéwelec welecginaŋac haiyu heanzac, néŋ haka biria waŋanzu ionac imi kic ségérayanéŋ tawi énécmianzac zéma zéyec.

¹³ Waŋu seliseli wamma haka hiabia wamma kecmuiguc méréneŋ zéra waiya énécmimac?

¹⁴ Waŋu haka solaŋawac waŋgic unuhéi wammu imi ségiségi ginaguc. Némac iwawai niŋac ic tosara bac yandi yandi waŋanzu imuac mia ini bac yandi yandi ménda wamma bac zazac ménda wammu, néŋ ¹⁵ ewa qeriginaiguc Kristo i miŋ kewuginawac buŋa métérégic kecmac. Waŋu ewa qeriginaiguc niŋkumu hezac

imuac hénia qesi nimbiñ zé wangic bénzénec melenj énécmimanj zé nalé séc zérénqérén wamma kecmu, ¹⁶ nén gum bénzénzénj zéma ee héihéiiguc wammu. Wanu ewa kétinkétinj ginanénj qala qalagianec hemac. Imuhuc wangic onac wawanj meme hiabiawac zébiri qébiri wanj énécmimu imi enenj mema titi hakaginawac gamugina mihicniju. ¹⁷ Haka hiabia wamma qenzenj manzenj mihicniju imi Anutuac ewa sinj wanzaciguc haka biria wamma qenzenj manzenj mihicniju imi ogiczac. ¹⁸ Kristo imi hatac momacguc képésic ic momac yanda onac ninj wamma humuyec. Ic solanénj nenanj képésic ninjac mulu meyec. Imi mia nonagicma Anutuac muru kemma nonopocmanj zé imuhuc wanec. Inénj mia séwiiguc qegic humuyec, nénj unajiguc imi meqelimiyu kekecyaguc wanec. ¹⁹ Inénj unaguc kemma unja tosara humucac hésa qatéciguc kecgic ionac ackuazéc zéau énécmiyec. ²⁰ Imi enenj mia becnec Noanénj zéic miyacgéma keru nalé imuaru Anutunénj nalé horua qeri bénzénjiguc mambéc énécmiyu acqege wangic ienenj mia. Wanu zéic imuac qeriaiguc emma doku igucnec anjénj tiénécmimia ionac zanjégina imi 8 sac wanec. ²¹ Doku imi Yesu Kristoac humuc igucnec yayac ninjac deguc imi melemma anjénj titiac asé kiwiya wanzac. Imi mia doku naec haka imi mia. Wanu imi mia séwias képésic zuac énécmimiawac iwawai qahac, nénj ewa kétinkétinj solanénj Anutu mihicnimanj zé hénima kenkenja imuac asé kiwiya wanzac. ²² Yesu imi kurumeñu emma Anutuac méra héiyaiguc taczac. Taru kua meme unja zéma ai

memeac qac buṇaginaguc zéma kuc buṇaginaguc ienen iwac méra bacyaiguc kecdaczu.

4

Anutuac goi héihéi imuac welen qeque ic hiabia.

¹ Kristo imi séwyaiguc qenzen manzen mihicniyec imuac niṇ, ini acguc Yesu niṇec séc nimma niniṇ iminéṇ yaréac malekugina ésécnec héiamumu. Séwiiguc qenzen manzen niṇec iminéṇ késpedes igucnec elingé amuanzac.

² Elingéamuma inéṇ baecac kekec hemizac séc muṇguc siṇ biria ménda méndacma Anutuac ewa siṇac sac méndacma kecmac. ³ Ini kaiseroac siṇ zéma hémbaoc zéma niṇgoṇ zéma nezéléléṇ zéma newa qewelon zéma baniarawac ireha welen qema ic enia waṇanzu ésécnec haka imuhucya becarunec wamma hama nalé hiadac audaczu.

⁴ Waṇu enen imi i iniguc iwawai auqauma kekec imuac qaonjaiguc ménda hololoma kenjic, ienen inicma niṇjic haka méréra waṇu zébiri qébirinéṇ qacginaguc héigic enzac. ⁵ Waṇu ienen kecma humuc zéma kic qeli kekec héniaquina niṇgési énécmimac niṇac zéréṇ qéréṇ wamma keczac iwacmuru héniaquina zéaumuac hezac. ⁶ Hénia imuac niṇac mia humuc ionac muru buṇa suruc hiabia imi momacnec zéau énécmimia waṇec, hénia imi ic embac kic qeli kekera ésécnec niṇgési énécmimia wammac, néṇ uṇaiguc imi Anutuac hénia séc kecmu niṇac imuhuc waṇ énécmiyec.

⁷ Iwawai momac yanda imuac nalé tetcgia ducṇizac. Imuac bec niniṇgina asac asari-anec kecma séwias siṇ waima zéwelec wamma

kecmu. ⁸ Goi héihéinéj képésic sasala hoturu énécmianzac imuac niñ héná yomuac niñgic tosara onogicma enenja wanju qeriginanéj goi héihéi wanamuma kecmu. ⁹ Ini njindic njunducya qahac welen qeamuma kecmu. ¹⁰ Anutunénj ic embac enac enac ewa hiawac ai buña hénia hénia énécmiyec séc ama galeña hiabia wamma Anutuac ewa hiawac buña hénia héniaiguc welen qeénécmimu. ¹¹ Ic ménénj ac ménj zémanj zé Anutuac ackuazéc ésécnec zémac. Wanju ménénj ménj welen qeénécmimanj zé Anutunénj kuc miyu wanzac ésécnec wammac. Imuhuc wanju ai hénia héniaiguc Yesu Kristoac qaraiguc Anutunénj edamuyaguc wammac. Iwac muru mia edamuya zéma kuc yandanénj nalé tetcgia qahac hema kecmac. Hélaecnec!

Qenzen manzenj Kristoac tohotoho ichéra nenjan buña.

¹² Ala sorochéna, ini batucgé énécmimanj zé zéra waiya geriwigucnéj hicñi énécmiyu haka méréra hicñi énécmizac ésécnec ménda aurimu. ¹³ Wanju ini kenj kecma iwac eebipiya winini-mac nalé imuaru ewa hia nimma zézé ségiségi wammu niñac Kristoac qenzen manzenaiguc toroqema ségiségi wammu. ¹⁴ Ini Kristoac qara niñac wamma zébiri qébiri ac waj énécmimu iguc imi zézé ségiségi ginaguc wanzac. Imi mia Unja eebipiyaguc, Anutuac Unja iminénj qacginaiguc keczac imuac niñ imuhuc zézuu. ¹⁵ Sucginaiguc ménénj ménj biñ suña me kowu nene me haka biria me kua surun ic ésécnec ménda wanjic qenzen manzenj ménda mihicñi

énécmimia wambac niñac. ¹⁶ Wañu Kristoac ic kecma qenzen manzen mihicñi énécmimia wañu gamugina ménda nimmu, néñ néwécgeña Yesuac qara niñac Anutu mepésimu. ¹⁷ Anutuac ama neñanguc gésigési ai hénima memac imuac naléya ducñizac. Neñañ muru walac hénima gési nénécmimaciguc ic embac tosara buña suruc hiabia imi ménda tohoanzu ionac tetcgia imi yei dimuhuc wammac? ¹⁸ Wañu ic solañanén angén titi mihicñiman zé ai yanda wammaciguc, Anutu eeya ménda héimianzu imi enen zéma késpedesic ic ienen nanan dimuaru nammu? ¹⁹ Imuac Anutuac ewa siñ tohoma zéra béra mihicñimu ienen imi haka hiabia wamma qeri uñagina imi mihicñi mihicñi miñina méñzé méñzéya qahac iwac muru qutungé amumu.

5

Anutuac rama dimuhuc galengé énécmiwin?

¹ Sucginaiguc qeriawac galen ini ni momac-nec qeriawac galen wawaña zéma Kristoac qenzen manzen imuac héipuc ic zéma edamuya wininiyu toroqeman niñ zénénéña neñ zéhinoc wañ énécmizua. ² Sucginaiguc Anutuac rama tun keczu imi galengé énécmimu. Zénañgéiguc qahac, néñ Anutuac ewa siñ méndacma enañ siñginanén wañ énécmiyu inicgalen wañ énécmimu. Wañu soukiwa niñac hémbaoc wamma qahac, néñ welen qeénécmiwin zé seliseli wamma memu. ³ Wañu niñkumu énécmima ic embac méraginaiguc onoporu keczu i kewu ménda wañ énécmimu, néñ rama tun ionac muru haka hiabia énézégic

hénjic kecmu. ⁴ Imuhuc wamma kecgic rama galen ionac kiwaginanén hamac nalé imuaru ic kewuac opoc edamuyaguc ménda méiméiya énécmiyu memu.

⁵ Ic qapé wilina, ini imuhuyanec kua memegina nintho wañ énécmima moczon yanda enaocnec memaamuma haka iminén malekugina ésécnec héima kecmu. Anutu imi séwi enen ic hazéc wañ énécmianzac, nén memaamuma kekec ionac imi ewa hiawac wañ énécmianzac imuac mia imuhuc zézua.

⁶ Imuac Anutuac méra selia imuac bacyaiguc memaamuma kecgic naléya ducniyu meyac énécmimac. ⁷ Inén mia qeriyanéñ dongé énécmianzac imuac nin niningina yéwéria imi moczon yanda iwac muru haidacmu.

⁸ Ini galenagé amuma técgina nimma kecmu, hazéc yandagina Biria minjanén laion ésécnec qécgé énécmiman zé qacma silacma lelecgéma hohoc ai mezac. ⁹ Imuac i hazéc wammima ninzén ninzénagina meselima nammu. Dacmuna hécgina baera baera keczu imi enen acguc qenzen manzen imuhuyanec hicni énécmiyu keczu imi ini ninzu hénia imuac mia imuhuc zézua. ¹⁰ Wañ ewa hiawac ai buña hénia hénia imuac minina Anutu, eneya edamuya hehe selia imuac qeriaiguc keremmu ninac Kristoac qeriaiguc héihéré énécmiyec inén mia nalé hotonadac qenzen manzen mihicnima keczu ini eneyaoc meqeli énécmima kuc énécmima meseli énécmimac. ¹¹ Iwac muru kuc seli towia towia hema kecmac. Hélacnec!

Yaizéze ac tetecgia zéma mozoc ac.

¹² Dacmuna solañja Siliwano ic kenhéi hahéiya qahac zéma ninmianzua inén méra néñu ac hotonja dac yomi oma zénañgé énécmima ackuazéc yomi imi Anutuac ewa hia héla wanzac imi héipuc wamma zézua imuac nin ini ewa hia imuaru selianec nammu. ¹³ Babilon baec yandaiguc hénarinj keczu ienenj yaizézégina zézu. Wanju nuac ninzénj ninzénj nañna Mareko acguc imuhuc énézézac. ¹⁴ Ini goi héihéiac kircicne qiricne wanamuma ewa hia acgina zégic kenha wammac. Kristoac qeriaiguc keczu ic embac momac yanda onac muru luaenénj he énécmimac.

SISIPAC AC QELIA
The New Testament and Psalms in the Kube Language
of Papua New Guinea
Buk Song na Nupela Testamen long tokples Kube long
Niugini

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

PDF generated using Haiola and XeLaTeX on 11 Nov 2022 from source files dated 9 Oct 2020

0403b50f-078d-52e2-a203-056e8a430665